

առաքեալի ձեռքով, ուր կարգած է եղել վերատեսուչ հովիւներ, որ հետզհետէ ծաղկում, եպիսկոպոսարան և ապա Աղուանից աշխարհի կաթողիկոսարան է դառնում մի ժամանակ *), ինչպէս այդ պարզ երևում է վանքիս մուտքի առաջ թաղուած կաթողիկոսների շիրիմների վրայ ձգուած տապանաքարերի արձանագրութիւններից: Աւանդաբար պատմում են, որ ս. Եղիշէ առաքեալն ունեցել է երեք աշակերտներ,—Վլաս, Քահալցիցիկ և Գօժ-Մուրատ **): Որոնցից առաջինը նահատակուած և թաղուած է Նիժ գիւղաքաղաքի ս. Եղիշէի եկեղեցու սեղանի տակը, երկրորդը նահատակուել ու թաղուել է Վարդաշէն գիւղաքաղաքի ստորոտում, մի գեղեցիկ բլրակի վրայ, որ յետոյ Վարդաշէնցի բարեպաշտ Առաքել Մուրատեանը իւր ծախքով շինում է մի փոքրիկ մատուռ 1811 թ. որ Գեր. Մ. եպ. Բարխուդարեան սրբազանի ասելով, այժմս քայքայուած վիճակի մէջ է ***): Իսկ երրորդը նահատակուած ու թաղուած է մի բարձր լեռան գլխին, որ գտնւում է Ծերիկ գիւղի հիւսիսային արեւմտեան կողմը: Ս. Եղիշէ առաքեալին անօրէն լեռնականները նահատակել և ձգել են մահապարտների համար յատկացուած այն հորի մէջ, որ այժմս գտնւում է Հայից թըր-

*) Տես, «Ճանապարհ. ի Մեծն Հայաստան» երես 377 և «Աղուանից երկիր» երես 249—250:

**) Տես, «Ճանապարհ. ի Մեծն Հայաստան» երես 380 և «Աղուանից երկիր» երես 217:

***) «Աղուանից երկիր» երես 248: